

Raporto de AGEI, Landa Sekcio de ILEI por 2021

Bonvolu legi la aldonitajn konsilojn pri plenskribo. Limdato por raporti: Mar 31, 2022.

Nomo kaj mallongigo en Esperanto:

Asocio de Germanaj Esperanto-Instruistoj / AGEI

Nomo kaj mallongigo nacilingve:

_____ X sama kiel pasintjare

Jaro de fondo / Jaro de aliĝo al ILEI:

_____ / _____ X sama kiel pasintjare

Jura statuso:

_____ X sama kiel pasintjare

Se la sekcio havas juran registriĝon, bv. doni la lokon, instancon kaj daton de tiu registriĝo.

Rilato kun Landa Asocio de UEA:

_____ X sama kiel pasintjare

Ekz.: ĉu integra parto, en kunlaboraj rilatoj aŭ plene sendependa de ĝi?

Membro-nombro fine de 2020:

Sume: 59_55+4_. Detale: paperaj _48_ retaj _7_ aliaj (1 HM)_1 DM + 3 familiaj membroj.

Bv. informi nin se vi havas enlandajn membrojn, kiuj ne apartenas al ILEI-internacia.

3 familianoj kun sama adreso, kiuj ne pagas plenan membrotizon kaj ne ricevas IPR de ILEI, do la landa listo enhavas 59 membrojn.

Nombro da rajtigitaĵoj / nomumitaĵoj komitatanoj por 2021:

_____4_____. *Per aparta deklaro vi nomumu ilin!*

(kalkulu laŭ membronombro fine de 2012: 5-14: 1; 15-34: 2, 35-49: 3, pli ol 50: 4.)

Retejoj kaj kontaktiloj sekciaj:

Oficiala hejmpaĝo: <http://esperanto.de/agei> Oficiala ret-adreso: zsofia.korody@esperanto.de

*Ĉe la retadreso bv. diri al kiu funkciulo ĝi indikas. Se vi havas retejon, kiu prizorgas ĝin: Zsófia Kóródy kiomofte vi ĝisdatigas ĝin: laŭ bezono, se estas gravaj novaĵoj aŭ gravaj ŝanĝoj
kiujn planojn vi havas ampleksigi ĝin? Ni foje-foje aldonas lernmaterialojn kaj instru-rilatajn broŝurojn
Se ne, ĉu vi planas lanĉi retejon? Ĉu vi farus tion, se vi havus teknikan helpon de aŭ pere de ILEI?*

Ĉu via sekcio havas retgrupon: _____jes_____

Se jes, ĉu vi pretas permesi al la internacia ILEI dissendi rekte mesaĝojn al viaj membroj? ne

Se ne, kiel vi plusendas al viaj membroj mesaĝojn de ILEI? prezidanto de AGEI, Zsófia Kóródy plusendas mesaĝojn al la listo. Ni plusendas ĉion, kio rilatas al aŭ estas grava por enlanda instruagado.

Se via sekcio eldonas fizike presatan aŭ retan bultenon, bv. doni ĝian nomon, redaktoron, retadreson, oftecon kaj amplekson.

Enlanda membrokotizo:

ankoraŭ 25 EUR, pro la altigita ILEI-kotizo el tiu sumo ekde 2012 restis 5 EUR/membro por landa agado, sed pro la altigo de ILEI-kotizoj en la fino de 2020, nia landa sekcio same bezonos altigon. AGEI havis jarĉefkunvenon pli frue, do la membraro bedaŭrinde ne povis decidi pri nova AGEI-kotizo por 2021 kaj pro tio la tuta enlanda kotizo devis esti ĝirata al ILEI kaj nenio el tio restis ĉe AGEI por enlanda uzo dum 2021. Tio postulos kotizaltigon en 2021, kiun la komitatkunsido devos aprobi en 2022.

Se la enlanda kotizo estas pli ol la internacia, bv. indiki kiun parton vi retenas por landa agado.

Nuna estraro de la sekcio:

Zsófia Kóródy (prezidanto), Dr. Rudolf Fischer (vicprezidanto), Christof Krick (kasisto), Martin Ptasinski (estrarano). La aktualaj adresoj estas haveblaj de la prezidanto.

Laŭeble aldonu retadresojn, adresojn kaj funkciojn.

Mandato-periodo, tempo de la sekvaj elektoj:

Elektoj okazis en oktobro 2020 en Osterode, dum la jarĉefkunsido (en hibrida formo). La ĝistiamaj estraranoj estis reelektitaj. Sekva elekto: Pentekosto 2022

La mandato de la komitatanoj daŭris ĝis marto 2022, pri novaj mandatoj okazos decido en la jarĉefkunveno en majo 2022: komitatanoj estas la estraranoj.

=== **Agado** ===

6 ĝis 10 linioj da klarigoj bonvenas; ligoj al pli longaj raportoj bonvenas.

AGEI estas komunutila asocio, agadas por interkompreniĝo de popoloj, eduko al paco kaj toleremo. La asocio helpas la lernejan kaj universitatan instruadon de Esperanto, proponas internaciajn amikajn kontaktojn inter lernantoj de Esperanto, instigas al internacia interŝanĝo de lernantoj, zorgas pri trejnado de Esperanto-instruistoj, ellaboras kaj disvastigas esperantajn instru- kaj ekzamenmaterialojn, rekomendas lingvajn ekzamenojn ankaŭ laŭ internaciaj normoj, kunlaboras kun similaj internaciaj fakorganizaĵoj, estas alparolpartnero por la ministerio pri edukado rilate al Esperanto-instruado.

AGEI organizas fakajn kunvenojn, instigas al verkado de fakaj artikoloj kaj fakliteraturo, donas fakajn servojn al siaj membroj.

Gravas ankaŭ la konsultado pri instruagado, metodika-didaktika helpo al gekolegoj, spertinterŝanĝo pri lerneja kaj eksterlerneja Esperanto-instruado.

Propraj aranĝoj dum 2021:

Kelkaj instrurilataj eventoj okazis en 2021.

1. TORPEDO 16 (01-03 oktobro 2021) la Tradicia Oktobra Renkontiĝo PEDagogia okazis en Herzberg am Harz – la Esperanto-urbo, organizita de la Filio de GEA por Klerigado kaj Kulturo kaj AGEI, Asocio de Germanaj Esperanto-Instruistoj.

Ĝia ĉefcelo estas oferti fakan spertiĝon kaj spertinterŝanĝon pri lingvoinstruado kaj specife pri Esperanto-instruado, ebligi traktadon de ĝenerale uzataj kaj uzeblaj instrumentoj, informado pri en- kaj eksterlandaj fakaj eventoj, interesaĵoj, sciindaĵoj el la Esperanto-movado.

La ĉi-jara seminario estis escepta, ja ĝi gastis la partoprenantojn de la internacia Erasmus+ projekto kun partneroj el Francio, Pollando, Britio kaj Nederlando. Ĝi traktis la sekvajn ĉeftemojn: Eŭropa Volontula Servo, internacia volontulado, trejnado de volontuloj kaj preparo al la akcepto kaj lingva helpo, evoluigo de iliaj kapabloj.

Zsófia Kóródy kaj Peter Zilvar raportis pri la biblioteko, fakkolektaĵoj de la Esperanto-Centro en Herzberg, pri ĝiaj vastaj agadoj, organizaj kaj informad-laboroj kaj pri la longjara sperto pri trejnado de volontuloj, kiuj helpis en la Esperanto-Centro Herzberg en la lastaj 1-2 jardekoj.

Aranĝoj de aliaj kie la sekcio aperis:

1. AGEI havas sian jarĉefkunvenon tradicie dum la Germana Esperanto-Kongreso. En 2021 eĉ tio estis alia, ja GEK okazis nur virtuale, estis tamen organizita la jarĉefkunveno de GEA fine de oktobro en Osterode am Harz. Ankaŭ AGEI ofertis tiam hibridan kunvenon kun virtuala partopreneblo per Zoom. Krom la asocia jarraporto kaj prezentado de planoj, en la kunveno temis ankaŭ pri Esperanto-instruado en lernejoj, eblaj instru-ŝancoj en la grandregiono Göttingen, ofertoj por instruistoj kaj lernejoj kaj pri internaciaj edukaj projektoj.

Kiel kutime, reprezentantoj de Interkultura Centro Herzberg, Peter Zilvar kaj Zsófia Kóródy informis pri instruado de Esperanto per modernaj metodoj kaj pri denove planataj klerigofertoj de la Esperanto-Centro en Herzberg.

2. La sesan fojon estis organizita somera intensa Esperanto-kursaro (**Semajnoj de Esperanto-Perfektigo - SEP) en la Esperanto-Centro Herzberg**. La evento povis okazi en aŭgusto malgraŭ la pandemio. Ĝi estis dusemajna kaj internacia, kelkaj kursanoj restis dum la tuta periodo, aliaj elektis unusemajnan blokon. Post la antaŭtagmezaj instruhoroj la kursanoj manĝis kune kaj organizis posttagmezajn vizitojn al belaj, interesaj lokoj en la ĉirkaŭaĵo, vizitis muzeojn, banejojn, ekskursis en la arbaro, testadis promenvojojn en la Harz-montaro.

La programon riĉigis kulturaj kaj muzikaj eventoj, komuna kuirado, kantado, rakontado, prelegoj kaj prezentadoj. La partoprenintoj havis la eblon renkontiĝi, paroladi kun lokaj klubanoj, vizitantoj kaj aliaj Esperanto-parolantaj gastoj. Je la fino de la semajno ĉiuj ricevis atestilon pri partopreno. La tuttaga lingvouzo bone helpis ĉiujn perfektigi siajn lingvajn kapablojn kaj la tre amika, agrabla etoso certigis bonfarton.

3. Kiel jam tradicie, ankaŭ en 2021 **kunvenis la reprezentantoj de landaj ligoj kaj fakaj asocioj de Germana Esperanto-Asocio (GEA)**, nun en Osterode am Harz, kie okazis la jarĉefkunveno de GEA. Delegitoj raportis pri la agado de GEJ kaj de la landaj kaj fakaj asocioj en Germanio. Pri la agado de AGEI raportis Zsófia Kóródy.

Propraj projektoj dum 2021:

AGEI kaj Interkultura Centro Herzberg (sub gvido de Peter Zilvar) iniciatis kunlaboron kun la t.n. Landa Plenkreskula Kleriginstitucio (Ländliche Erwachsenenbildung, LEB <https://www.leb-niedersachsen.de/>). Jam la sepan jaron daŭras tutjara kurs- kaj klerigprogramo kun variaj temoj, prelegoj, prezentadoj, organizado de t.n. Interkulturaj Vesperoj, de la pandemio krome ankaŭ en virtuala formo, en la regulaj mardvesperaj "Buntaj Vesperoj", ĉiusemajne anoncitaj ĉe <http://eventaservo.org>. La agnosko far LEB estas grava atingiĝo, kiu ebligas montri la kulturperantan, edukan rolon de la internacia lingvo Esperanto.

Projektoj de aliaj en kiuj la sekcio kunlaboris:

AGEI subtenas la projekton „1 leciono pri Esperanto“ de Klaus Friese, kies celo estas informi lernejanon pri Esperanto ekz. en leciono, kiun gvidas anstataŭanta instruisto. La materialo estas jam havebla en pluraj lingvoj kaj atingebla sur la retpaĝaro de AGEI en menupunkto Biblioteko aŭ rekte per <http://agei.esperanto-urbo.de/page.php?pid=83839799>

AGEI kunlaboras kun la edukorganizaĵo edukado.net, kiu kolektas kaj disponigas sur sia

hejmpaĝo <http://edukado.net> kolektejon de Esperanto-kursoj, diskutforumon, prezentadon de lernolibroj kaj grandan virtualan arkivon de instruhelpiloj, didaktikaj materialoj.

AGEI ne mem listigas Esperanto-kursojn en Germanio, sed alvokas ĉiujn gekolegojn de bazaj kaj mezgradaj lernejoj, plenkreskulaj kursoj kaj studrondoj en universitatoj registri siajn kursojn kaj detalojn pri la instruado ĉe la komuna registrejo de edukado.net.

Varba agado en Esperanto kaj naciaj lingvoj:

AGEI ankaŭ en 2021 alvokis gekolegojn utiligi la programkajerojn de Popolaltlernejoj (VHS), kiuj atingas plurajn dekmilojn da legantoj, familiojn, vastan publikon. Estas ĝojige, ke pli kaj pli ofte lokaj kluboj, instruantoj reagis al tiu alvoko kaj metas tien anoncojn pri Esperanto-kursofertoj. Eĉ se poste ne realiĝas kurso pro manko de sufiĉaj partoprenantoj, tamen la legantaro estas informita pri Esperanto kaj ekscias pri uzebloj de la lingvo.

AGEI-novaĵoj en Esperanto kaj en la germana lingvo aperadas en la gazeto de GEA Esperanto aktuell, dissendiĝas tra naciaj kaj internaciaj dissendolistoj, per retpaĝoj, Facebook kaj alvokoj por membriĝo kaj ekz. dum grandaj Esperanto-renkontiĝoj, kongresoj enlandaj, dum studsesioj aranĝataj en Germana Esperanto-Centro/Interkultura Centro Herzberg.

Sekciaj kontaktoj kun ne-esperantistaj organizoj kaj projektoj:

AGEI regule kunlaboras pere de pluraj siaj instruistoj kun popolaltlernejoj (Volkshochschule-VHS). En kelkaj urboj ankaŭ en 2021 aperis anoncoj pri Esperanto-lingvokursoj.

AGEI subtenas gekolegojn per kolektado kaj modelcela aperigo de varbtekstoj por tiuj kajeroj ĉe <http://agei.esperanto-urbo.de/page.php?pid=97868652>

Konata E-instruado en via teritorio:

Pri lerneja Esperanto-instruado bedaŭrinde malmultaj informoj alvenadas.

Kursoj kaj klerigcelaj kunvenoj okazas regule en pluraj federaciaj landoj, ĉefe aktivas gekolegoj ekzemple en Hamburg, Frankfurt, Stuttgart, Münster, Berlin, Hameln, Neubrandenburg. Okazis VHS-kurso en Frankfurt am Main, kaj ankaŭ okazis virtuala kurso kun uzo de la bone ellaborita lernmaterialo far Dr. Rudolf Fischer:

Esperanto en dialogo <https://agei.esperanto-urbo.de/netzkurs/>.

Aliaj atingoj en 2021

AGEI daŭre kunagas kun Germana Esperanto-Centro (Filio de GEA por Klerigado kaj Kulturo) por la ordigado, pliriĉigo de la Biblioteko en Herzberg am Harz, kie okazas tutjara programo, multaj kunvenoj, kursoj kaj klerigseminarioj, do la biblioteko servas publikan intereson. Ofte estas serĉataj literaturaj verkoj, lernolibroj, vortaroj, instruhelpiloj kaj metodikaj libroj.

La pedagogia, metodika fakkolektaĵo estas specialaĵo de tiu biblioteko. Ĝi estas je dispono por partoprenantoj de la klerigseminarioj, metodikaj kursoj kaj verkantoj de laboraĵoj.